



KEMENTERIAN KEWANGAN NEGERI SABAH
Blok C, Pusat Pentadbiran Negeri Sabah
Jalan Teluk Likas, Tanjung Lipat
88400 KOTA KINABALU
Sabah, Malaysia
Tel.: 088-368000 Faks: 088-213584
Website: www.mof.sabah.gov.my

Tel. : 088-368320/068/038
Bil. : KEW(S) 400-0/2/22 Klt.5 (104)
Tarikh : 28 April 2021

NOTIS PENGUMUMAN

Kepada sesiapa yang berkenaan,

YBhg Datuk/Tuan/Puan,

PELAKSANAAN CUKAI JUALAN NEGERI (CJN) KE ATAS KOMODITI PERIKANAN DIBAWA KELUAR DARI SABAH

Dengan hormatnya, perkara tersebut di atas adalah dirujuk.

Tarikh Kuatkuasa

2. Adalah dimaklumkan bahawa Kerajaan Negeri melalui Perintah Cukai Jualan Negeri (Kadar Cukai) 2021 akan mula mengenakan Cukai Jualan Negeri Ke Atas Komoditi Perikanan Yang Dibawa Keluar Dari Sabah berkuatkuasa pada **1 Mei 2021**.

Barang-Barang Yang Kena Dibayar Cukai Jualan Negeri dan Kadar Cukai

3. Komoditi Perikanan yang dibawa keluar dari Sabah dan tertakluk CJN adalah seperti berikut:

Bil.	Barang	Kategori Yang Tertakluk CJN	Kadar CJN
1.	Ikan laut dan ikan air tawar:		
	a) hasil akuakultur	Segar, sejuk dingin atau sejuk beku, sesuai untuk dimakan oleh manusia yang dibawa keluar dari Sabah	5% ke atas nilai jualan*
	b) bukan hasil akuakultur	Hidup, segar, sejuk dingin atau sejuk beku, sesuai untuk dimakan oleh manusia yang dibawa keluar dari Sabah	
2.	Moluska, cephalopoda, tumbuhan akuatik termasuk rumpai laut dan invertebrata akuatik lain		

.../2

“SABAH MAJU JAYA”



(2)

KEW(S) 400-0/2/22 Klt.5 (164)

28 April 2021

PELAKSANAAN CUKAI JUALAN NEGERI (CJN) KE ATAS KOMODITI PERIKANAN DIBAWA KELUAR DARI SABAH

Bil.	Barang	Kategori Yang Tertakluk CJN	Kadar CJN
3.	Krustasia:	Hidup, segar, sejuk dingin atau sejuk beku, sesuai untuk dimakan oleh manusia yang dibawa keluar dari Sabah	5% ke atas nilai jualan*
	a) krustasia laut kecuali udang hasil akuakultur		
	b) krustasia airtawar		
	c) udang kara dan ketam	Hidup, segar, sejuk dingin atau sejuk beku, sesuai untuk dimakan oleh manusia yang dibawa keluar dari Sabah	10% ke atas nilai jualan*

* seperti yang diisytihar di Borang Kastam K2 atau K3.

Pembayaran CJN

4. Pihak pengeksport hendaklah mengemukakan taksiran dan membayar CJN sebelum pengeksportan atau pemindahan komoditi perikanan dibuat.

Tempoh Penangguhan (Grace Period)

5. Bagi memberi ruang dan masa kepada pembayar cukai untuk mengadaptasi proses pembayaran CJN baharu ini, Kerajaan Negeri membenarkan tempoh penangguhan (*grace period*) **selama 3 bulan bermula 1 Mei 2021 sehingga 31 Julai 2021**. Dalam tempoh tersebut, pembayaran CJN dibenarkan dibuat selepas pengeksportan atau pemindahan. Walau bagaimanapun, pengeksport hendaklah membuat pembayaran dalam tempoh 28 hari daripada tempoh yang kena dibayar cukai Contohnya, pengeksportan yang dibuat pada bulan Mei hendaklah dibayar cukainya sebelum atau pada 28hb Jun.

Pendaftaran Lesen CJN

6. Selaras dengan Seksyen 10 (1), Enakmen Cukai Jualan Negeri 1998, setiap orang yang dikenakan cukai iaitu orang yang menjalankan perniagaan menjual atau membekalkan barang-barang yang dimaksudkan di perenggan 3 hendaklah memohon lesen CJN.

7. Bagi syarikat yang telah mempunyai lesen CJN, dipohon dapat berhubung dengan Kementerian ini bagi maksud penyerahan nombor ID dan katalaluan untuk mengakses akaun syarikat secara atas talian melalui sistem CJN.

.../3

“SABAH MAJU JAYA”

(3)

KEW(S) 400-0/2/22 Kit.5 (104)

28 April 2021

PELAKSANAAN CUKAI JUALAN NEGERI (CJN) KE ATAS KOMODITI PERIKANAN DIBAWA KELUAR DARI SABAH

Penerangan Lanjut

8. Untuk penerangan lanjut dan panduan ke atas CJN ini, YBhg Datuk/tuan/puan boleh merujuk laman sesawang Kementerian Kewangan Negeri di <https://mof.sabah.gov.my/>

Pertanyaan

9. Untuk sebarang pertanyaan, sila berhubung dan merujuk kepada Unit Cukai Jualan Negeri, Bahagian Kewangan dan Ekonomi di talian 088-368071/038/023.

Sekian dan harap maklum.

“BERKHIDMAT UNTUK NEGARA”

(HAJI RUSDIN RIMAN C.A(M),FCPA(A), CPFA(UK))

Setiausaha Tetap

Selaku Pengarah Cukai Jualan Negeri

s.k. Peguam Besar Negeri Sabah
Jabatan Peguam Besar Negeri Sabah
Aras 22 & 23, Blok A, Pusat Pentadbiran Negeri Sabah
KOTA KINABALU

Setiausaha Tetap
Kementerian Pertanian dan Perikanan Sabah
Aras 7 & 8, Wisma Pertanian
Jalan Tasik, Luyang, Beg Berkunci 2049
88624 KOTA KINABALU.

Pengarah
Unit Perancang Ekonomi Negeri
Aras 19 dan 20, Blok A
Pusat Pentadbiran Negeri Sabah
88400 KOTA KINABALU

Bendahari Negeri
Jabatan Bendahari Negeri
Level 10, Blok A
Pusat Pentadbiran Negeri Sabah
88400 KOTA KINABALU

“SABAH MAJU JAYA”